

本國學基
叢書草

窗

詞

書叢本基學國

詞 窗 草

著 密 周

行發館書印務商

草窗詞卷上

升陽嘯翁周 密 公謹父

楚宮春 牡丹

香迎曉白。看煙佩霞綃。弄妝金谷。倦倚畫闌無語。情深嬌足。雲擁瑤房翠暖。繡幕^{笛譜}捲。東風傾國。半捻愁紅。念舊遊。凝佇蘭橈。^{笛譜}瑞鸞低舞。庭綠。猶想沈香亭北。人醉裏。芳筆曾題新曲。自翦露痕移取。春歸華屋。絲障銀屏靜掩。僧未許。鶯窺燕^{笛譜}宿。絳蠟良宵。酒半闌。重遶鴛機。醉靨爭妍紅玉。

大聖樂 東園錢春

嬌綠迷雲。倦紅顰曉。嫩晴芳樹。漸午陰。簷影移香。燕語夢回。千點碧桃吹雨。冷落錦官人歸後。一作冷落錦官人歸後。似誤。記前度。蘭橈停翠浦。凭闌久。

草窗詞 卷上

一

謾凝想一作鳳翹。慵聽金縷。留春問誰最苦。柰花自無言，鶯自語。
對畫樓殘照。東風吹遠。天涯何許。怕折露條愁輕別。更煙暝長亭啼
杜宇。垂楊晚。但羅袖暗沾飛絮。

渡江雲 三犯 再雪

冰谿空翠晚。蒼茫鴈影，淺水落寒沙。那回乘夜興，雲雪孤舟，曾訪故
人家。千林未綠，芳信緩。笛譜玉照霜華。共凭高，聯詩喚酒，暝色奪歸
鴉。笛譜堪嗟。二字上段煞尾。作嘶鳴玉珮，山護雲衣，又扁舟東下。想故
園天寒倚竹，袖薄籠紗。詩筒已是經年別。蚤暖律，春動香葭。愁寄遠，
溪邊自折梅花。

露華 憶別和寄開韻。○案：蘋洲漁笛譜題云：次張留雲韻。

暖銷蕙雪。漸水紋漾錦，雲淡波容。笛譜岸香弄藥，新枝輕裊，條風。次
第燕歸將近。愛柳眉、桃靨煙濃。鴛徑小，芳屏聚蝶，翠渚飄鶯。六橋

舊情如夢。記扇底官眉。花下游驄。選歌試舞。連宵戀醉瑤譜叢。怕裏早鶯啼醒。問杏鈿。誰點愁紅。心事悄。春嬌又入翠峯。

繡鸞鳳花犯 賦水仙花

楚江湄。湘娥乍見。無言灑清淚。澹然春意。空獨倚東風。芳思誰寄。凌波路冷秋無際。香雲隨步起。謾記得。撲宮仙掌。亭亭明月底。冰弦寫怨更多情。騷人恨。枉賦芳蘭幽芷。春思遠。誰笑譜賞國香風味。相將共。歲寒伴侶。小窗淨。沈煙薰翠被。譜幽夢覺。涓涓清露。一枝燈影裏。

探春慢 脩門度歲

綵勝宜春。翠盤消夜。客裏暗驚時候。翦燕心情。呼盧音譜語。景物總成懷舊。愁鬢如垂楊。蚤譜穉眼。漸濃如豆。儘教寬盡春衫。畢竟爲誰消瘦。梅浪半空如繡。便管領芳菲。忍辜詩酒。映竹占花。臨窗

卜鏡還念歲嫩苗譜寒官袖。簫鼓動春城。競點綴。玉梅金柳。厮勾元宵。
燈前共誰攜手。

瑤花慢 瓊花。

朱鈿寶玦。天上飛瓊。比人間春別。江南江北。曾未見。謾擬梨雲梅雪。
淮山春晚。問誰識芳心高潔。消幾番。花落花開。老了玉關豪傑。金
壺翦送瓊枝。看一騎紅塵。香度瑤闕。韶華正好。應自喜。初識長安蜂
蝶。杜郎老矣。想舊事花須能說。記少年。一夢揚州。二十四橋明月。

夜合花 茉莉。

月地無塵。珠宮不夜。翠籠誰煉鉛霜。南州路杳。仙子誤入唐昌。零露
滴。溼微妝。逗清香。蝶夢空忙。梨花雲暖。梅花雪冷。應妒秋芳。虛庭
夜氣偏涼。曾記幽叢探玉。素手相將。青縈嫩萼。指痕猶映瑤房。風透
幕。月侵牀。記夢回。粉豔爭香。枕屏金絡。釵梁絳綬。都是思量。

玉京秋 秋思

煙水闊。高林弄殘照。晚蠟淒切。碧砧度韻。銀牀飄葉。衣溼桐陰露冷。
採涼花。時賦秋雪。歎輕別。一襟幽事。砌蛩能說。客思吟商。還怯。怨
歌長。瓊壺暗缺。翠扇恩疎。紅衣香褪。翻成銷歇。玉骨西風。恨最恨。閒
却新涼時節。楚簫咽。誰倚西樓淡月。

采綠吟 遊湖

采綠鴛鴦浦。畫舸水北雲西。槐薰入扇。柳陰浮漿。花露侵詩。點塵飛
不到。冰壺裏。紺霞淺。壓_{留譜}玻璃。想明璫凌波遠。依依心事。寄誰。
移棹艤空明。蘋風度瓊絲。霜管清肥。咫尺挹幽薌。悵隔岸紅衣。對滄
洲。心與漚閒。吟情渺。蓮葉共分題。停杯久。涼月漸生。煙合翠微。

解語花 春晴

晴絲冒蝶。暖蜜酣蜂。重簷捲春寂寂。雨萼煙梢。壓闌干花雨。染衣紅

溼。金鞍誤約。空極目。天涯草色。闌苑玉簫人去後。惟有鶯知得。餘
寒猶掩翠戶。梁燕乍歸。芳信未端的。淺薄東風。莫因循輕把。杏鈿狼
藉。塵侵錦瑟。殘日綠窗春夢窄。睡起折花無意緒。斜倚秋千立。

曲游春 遊西湖

禁苑東風外。颺暖絲晴絮。春思如織。燕約鶯期。惱芳情。偏在翠深紅
隙。漠漠香塵隔。拂十里。亂絲。笛。笛。笛。看畫船。盡入西泠。閒却半湖
春色。柳陌。新煙凝碧。映簾底官眉。隄上游勒。輕暝籠寒。怕梨雲夢
冷。杏香愁幕。歌管酬寒食。奈蝶怨。良宵岑寂。正滿湖。碎月搖花。怎生
去得。

大聖樂 重午

虹雨霽。風。翠縈蘋渚。錦翻葵徑。正小亭。曲沼幽深。簟枕夢回。苔
色槐陰清潤。暗憶蘭湯初洗玉。襯碧霧籠綃垂蕙領。輕妝了。裊涼花

絳縷香滿鸞鏡。人間午遲漏永。看雙燕將雛穿藻井。喜玉壺無暑。
涼涵荷氣。波搖簾影。畫舸西湖渾如舊。又菰冷蒲香驚夢醒。歸舟晚。
聽誰家紫簫聲近。

桂枝香 桂

巖屏逗綠。又涼入小山。千樹幽馥。仙影懸霜粲夜。楚宮六六。明霞洞
窅珊瑚冷。對清商。吟思堪掬。麝痕微沁。蜂黃淺約。數枝秋足。別有
雕闌翠屋。任滿帽珠塵拚醉。香玉瘦倚西風。誰見露肌侵粟。好秋能
幾花前笑。繞涼雲。重換笛譜銀燭。寶屏空曉。孤笛譜叢怨月。夢回金
谷。

秋霽

秋日遊西湖

重到西泠。記芳園載酒。畫舸笛譜橫笛。水曲芙蓉。渚邊鷗鷺。依依似
舊會。笛譜相識。年華笛譜易失。段橋幾換。垂楊色。謾自惜。愁損庾郎。雙

鬢點華白。笛譜云。白。霜。點鬢華。白。霜。殘蜚露草。怨蝶寒花。轉眼西風。又成陳跡。歎如今。才消量減。樽前辜負。醉吟筆。欲寄遠情秋水隔。舊遊空在。凭高望極。斜陽亂山浮紫。暮雲凝碧。

齊天樂 梅

官簷融暖晨妝懶。輕霞未勻酥臉。倚竹嬌顰。臨溪瘦影。依約樽前重見。盈盈笑靨。映珠絡玲瓏。翠綃葱蒨。夢入羅浮。滿衣清露暗香染。
東風千樹易老。怕紅顏漸減。芳意偷變。贈遠天寒。吟香夜冷。笛譜多
少江南新怨。瓊疏靜掩。任翦雪裁雲。競誇新豔。畫角黃昏。夢隨春去。笛譜共。遠。

一枝春 酒邊聞歌。和寄閒韻。

碧淡春姿。柳眠醒。似怯朝來酥雨。芳程乍數。喚起探花情緒。東風尚淺。甚先有。翠嬌紅嫵。應自把。羅綺圍春。占得畫屏春聚。留連繡叢

深處。愛歌雲裊裊。低隨香縷。瓊窗夜暖。試與細評新譜。妝梅媚笛譜
粉。料無奈。弄顰佯妬。還怕裏。簾外籠鶯。笑人醉語。

又 春晚又和韻

簾影移陰。杏薌寒。乍溼西園絲雨。芳期暗數。又是去年心緒。金花謾
翦。倩誰畫。舊時眉嫵。空自想。楊柳風流。淚滴軟綃紅聚。羅窗那回
歌處。歎庭花倦舞。香綃冰笛譜縷。樓空燕冷。碎錦懶尋塵譜。么弦慢
賦。曾記笛譜是。倚嬌成妬。深院悄。門笛譜掩梨花。倩鶯寄語。

綠蓋舞風輕白蓮

玉立照新妝。翠蓋亭亭。凌波步秋綺。眞色生香。明璫搖淡月。舞袖斜
倚。耿耿芳心。奈千縷情絲縈繫。恨開遲。不嫁東風。顰怨嬌藥。花底。
謾卜幽期。素手採珠房。粉豔初洗。笛譜雨溼鉛腮。碧雲深。暗聚軟綃
清淚。訪藕尋蓮。楚江遠。相思誰寄。棹歌回。衣露滿身花氣。

玲瓏四犯 戲調夢窗

波暖塵香。正嫩日輕陰。搖蕩清晝。幾日新晴。初展綺屏。笛譜紋繡。年
少恐笛譜負韶華。儘占斷。豔歌芳酒。柰笛譜翠簾蝶舞。蜂喧。催趁禁
煙時候。杏腮紅破。梅鈿皴。燕歸時。燕將歸云海棠厮勾。尋芳較晚。東
風約。還約笛譜在。劉郎歸。歸字無後。憑問柳陌舊鶯。人比似。垂楊
誰瘦。倚畫闌無語。春恨遠。頻回首。

拜星月慢 春暮寄夢窗

膩葉陰清。孤花香冷。迤邐芳洲春換。薄酒孤吟。悵相如遊倦。想人在。
絮幕香簾凝望。誤認幾許煙檣風幔。芳草天涯。負華堂雙燕。記簫
聲。淡月梨花院。砑牋紅。漫寫東風怨。一夜落月啼鵲。喚四橋吟纜。蕩
歸心。已過江南岸。清宵夢。遠逐飛花亂。幾千萬縷垂楊。翦春愁不斷。

長亭怨慢 懷舊

記千竹萬荷深處。綠淨池臺。翠涼亭宇。醉墨題香。閒簫橫玉。盡吟趣。
勝流星聚。知幾誦燕臺句。零落碧雲空。歎轉眼。歲華如許。凝眸。
作上段望涓涓一水。夢到隔花窗戶。十年舊事。儘消得庾郎愁賦。燕
結尾樓鶴表半漂零。算惟有。盟鷗堪語。漫倚徧河橋。一片涼雲吹雨。

臺城路 梅

東風又入江南岸。年年漢宮春早。寶曆無痕。生香有韻。消得何郎花
惱。孤山夢繞。記路隔金沙。那回曾到。夜月相思。翠樽誰共飲清醪。
天寒空念贈遠。水邊憑爲問。春到多少。竹外癡情。牆陰照影。誰見嬌
然一笑。吟香未了。怕玉管西樓。一聲霜曉。花自多情。看花人自老。

月邊嬌 元夕

酥雨烘晴。早柳盼顰嬌。蘭芽愁醒。九街月淡。千門夜暖。十里寶光花
影。塵凝步韞。送豔笑。爭誇輕俊。笙簫迎曉。翠幕捲。天香官粉。少年

紫曲疎狂。絮花踪跡。夜蛾心性。戲叢圍錦。燈簾轉玉。拚却舞勾歌引。
前歡謾省。又輦路。東風吹鬢。醺醺倚醉。任夜深春冷。

宴清都 雪川圖。

老去閒情懶。東風外。霏霏笛譜花絮零亂。輕漣漲綠。啼鵲暗碧。一春
過半。尋芳已是來遲。怕迤邐。年華笛譜暗換。應笛譜恨白雪歌空。
秋霜鬢冷誰管。凭闌自笑清狂。事隨花謝。愁與春遠。持杯顧曲。登
樓賦筆。杜郎才減。前歡已隔殘照。但耿耿。臨高望眼。迴輕笛譜紅。一
棹歸時。半蟾弄晚。

梅花引 落梅。

瑤妃鸞影逗仙雲。玉成痕。麝成塵。露冷鮫房。清淚霰珠零。步繞羅浮
歸路遠。楚江晚。賦官斜。招斷魂。酒醒夢醒惹新恨。褪素妝。愁浣粉。
翠禽夜冷。舞香惱。何遜多情。委珮殘釧。空想墜樓人。欲挽湘裙無處

• 晉書

湖山繪福堂

那更

上二段字。煞尾譜作

波涵月彩，露裛蓮妝。水描梅影，調朱弄粉，憑誰

赤壁重遊。

暗惜怕一夕西風井梧吹碧底事閒愁醉歌浮大白

大酺 春陰懷舊

又子規啼。荼蘼謝。寂寂春陰池閣。羅窗人病酒。奈牡丹初放。晚風還惡。燕燕歸遲。鶯鶯聲懶。閒買秋千紅索。二分春過二。向剩寒猶凝。翠衣香薄。傍鴛鴦徑。鸚鵡籠。一池萍碎。半簷花落。最憐春夢弱。楚臺遠。空負雨期雲約。笛譜云：空負雨期雲約。謾念想。清歌錦瑟。翠管瑤樽。幾回重笛譜醉東園酌。燕麥兔葵。恨笛譜有倩誰訪。畫闌紅藥。况多病。腰如削。相如老去。賦筆吟牋。閒却。此情怕人問著。

霓裳中序第一 閨思

湘屏展翠疊。恨入官溝。流怨葉。釭冷金花暗結。又鴈影帶霜。蛩音淒月。珠寬腕雪。歎錦牋。芳字盈篋。人何在。玉簫舊約。忍對素娥說。愁絕。二字笛譜作夜砧幽咽。任帳底。沈煙漸滅。紅蘭誰採。贈別。洛妃分綰。漢浦遺玦。舞鸞光半缺。最怕聽。離弦乍闕。憑闌久。一庭香露。桂影

弄淒笛譜蝶。

過秦樓避暑和寄開韻

紺玉波寬。碧雲亭小。蕚蕚水花笛譜。香細。魚牽翠帶。燕掠紅衣。雨急
萬荷喧睡。臨檻自探。瑤房鉛粉沾襟。雪絲繁指。喜嘶蟬樹遠。盟鷗鄉
近。鏡奩光裏。簾戶悄。竹色侵基。槐陰移漏。晝永簾花鋪水。清眠乍
足。晚浴初慵。瘦約楚裙尺二。曲砌虛庭。夜深月透龜紗。涼生蟬翅。看
銀潢瀉露。金井啼鴉漸起。

聲聲慢水仙梅

瑤臺月冷。珮渚煙深。相逢共話淒涼。曳雪牽雲。一般淡雅梳妝。樊姬
歲寒舊約。喜玉兒。不負蕭郎。臨水鏡。看清鉛素靨。真態生香。長記
湘皋春曉。仙路迴。冰鈿翠帶交相。滿飲臺杯。休待怨笛譜。羽吟商。淒
波又歸甚處。問蘭昌。何似唐昌。春夢好。倩東風。留駐瑣窗。

又菊桂秋荷

妝額黃輕。舞衣紅淺。西風又到人間。小雨新霜。萍池薜徑生寒。輸他漢宮姊妹。粲星鈿。霞珮珊珊。涼意早。正金盤露潔。翠蓋香殘。三十
六宮秋好。看扶疎仙影。伴月長閒。寶絡風流。何如細藥堪餐。幽香未
應便減。傲清霜。正自宜看。吟思遠。負東籬。還賦小山。

臺城路 閨思

曲屏遮斷行雲夢。西樓怕聽疎雨。硯凍凝華。香寒散霧。呵筆慵題新
句。長安倦旅。歎衣染塵痕。鏡添秋縷。過盡飛鴻。錦牋誰與爲語寄愁
去。簫臺應是怨別。曉寒梳洗懶。依舊眉嫵。酒滴爐香。花圍座煖。閒
却珠簾鈿柱。芳心謾語。恨柳外游韉。繫情何處。暗卜歸期。細將梅蘂
數。

滿庭芳 湘梅

玉沁脣脂。香迷眼顰。肉紅初暎仙裳。湘皋春冷。照水暗浮香。誰翦茜雲侵臉。含嬌暈。微印官妝。笛譜云：湘皋春冷。誰翦茜雲。疑是壽陽凝醉。無語倚含章。絳綃清淚冷。東風寄遠。愁損紅嬈。笑桃凡李俗。笛譜云：笑桃凡李。桃俗。蝶喜蜂忙。莫把杏花輕比。怕杏花。不敢承當。飄零處。還隨流水。應去誤劉郎。

乳燕飛 夏遊

波影遙搖。笛譜連鰲。趁薰風。一舸來時。翠陰清晝。去郭軒楹纔數里。蘚磴松關雲岫。快展齒。筇枝先後。空半危亭堪聚遠。看洞庭。縹緲爭奇秀。人自老。景如舊。來帆去棹還知否。問古今。幾度斜陽。幾回搔首。晚色一川誰管領。都付雨荷煙柳。知我者。燕朋鶯友。笑拍闌干呼范蠡。甚平吳。却倩垂綸手。吁萬古。付卮酒。

風入松 立春

柳梢煙暖詞譜已。曉曉。嬌眼試東風。情絲又逐青絲亂。剩寒輕。猶戀芳權。筍玉新裁。早燕杏鈿時引晴蜂。當時蘭柱繫花驄。人在小樓東。鶯嬌戲索迎春句。愛露牋。新染香紅。未信閒情便懶。探花拚醉瓊鍾。

掃花游 寒食

柳花颺白。又火冷錫香。歲時荆楚。海棠似語。惜芳情。燕掠錦屏紅舞。怕裏流芳。暗水啼煙細雨。帶愁去。歎寂寞東園。空想遊處。幽夢曾暗許。奈草色迷雲。送春無路。翠丸薦俎。掩清樽。謾憶舞蠻歌素。怨碧飄香。料得啼鶻更苦。正愁貯。黯春陰。倦簫殘鼓。

水龍吟 黃山園表裏畫圖

仙山非霧非煙。翠微縹緲樓臺亞。江蕪海樹。晴光雨色。天開圖畫。兩岸潮平。六橋煙霽。晚鈎簾挂。自元暉去後。雲情雪意。丹青手。應難寫。

花底朝回多暇。倚高寒。有人蕭灑。東山杖屨。西州賓客。笑談風雅。貯月盃寬。護香屏暖。好天涼。良夜。笛譜樂聞中日月。清時鐘鼓。結春風社。

祝英臺近 攬秀園

步玲瓏。尋窈窕。瑤草四時碧。小小蓬萊。花氣透簾隙。幾回翠水荷初。蒼崖梅小。綺寮掩。玉壺春色。柳屏窄。三字。笛譜作上段。煞尾。芳檻日日東風。幾陣吹吟筆。笛譜云幾吟筆。曲折花房。鶯燕似曾笛譜識。最憐燈影纔收。歌塵初靜。畫樓外。一聲秋笛。

聲聲慢 九日

橙香小院。桂冷閒庭。西風鴈影涵秋。鳳撥龍槽。新聲小按梁州。鶯吭夜聲轉巧。凝涼雲。應爲歌留。慵顧曲。歎周郎老去。鬢改花羞。何事登臨感慨。倩金焦笛譜一洗。千古清愁。屢舞高歌。作成陶謝風流。人

生最難一笑。拚樽前。醉倒方休。待醉也。帶黃花。須插當譜滿頭。

明月引 寄恨。

舞紅愁碧。晚蕭蕭。迴仙槎。風露高寒。飛下紫霞簫。一鴈遠將
千里當譜恨。懷渺渺。翦愁雲。風外飄。酒醒未醒香漸消。采江蘺。吟
楚招。清徽芳筆。梅魂冷。月影空描。錦瑟瑤樽。閒度可憐宵。二十四欄
愁倚偏。空張望。短長亭。長短橋。

又 聞怨。

鴈霜苔雪冷。飄蕭。斷魂潮。送輕橈。翠袖珠樓。清夜夢瓊簫。江北江南
雲自碧。人不見。淚花寒。向當譜雨飄。愁多病多腰素消。倚清琴。調
大招。江空年晚。淒涼句。遠意難描。月冷花陰。心事負春宵。幾度問春
春不語。春又到。到西湖。第幾橋。

徵招 九日有懷楊守齋。

江籬搖落江楓冷。霜空鴈程初到。萬景正悲秋。涼譜柰曲終人杳。登
臨嗟老矣。問今古清愁多少。一夢東園。十年心事。恍然驚覺。腸斷
紫霞深。知音遠。寂寂怨琴淒調。短髮已無多。怕西風吹帽。黃花空自
好。問誰識。對花懷抱。楚山遠。九辨難招。更晚煙殘照。

醉江月 中秋

奩霏淨洗。喚素娥睡起。平分秋色。鴈背風高。嬾兔冷。露脚侵衣香溼。
銀浦流雲。珠房迎曉。鬢影爭霜白。玉樽良夜。與誰同醉瑤席。忍記
倚桂分題。簪花籌酒。處處成陳迹。十二樓空環珮冷。惟有孤雲知得。
如此江山。依然風月。月底人非昔。知音何許。淚痕空漬。涼譜愁碧。

六么令 雪

癡雲翦葉。簷滴夜深悄。銀城飛捷翠壘。占祥豐年報。白戰清吟未了。
寒鵲驚枝曉。鶴迷翠表。山陰醉臥。今日笛譜云。山陰何人問安道。

交映虛窗淨沼。不許遊塵到。誰念絮帽茸裘。歎幼安今老。玉鑑脩眉未掃。白雪詞新草。冰蟾光皎。梅心香動。閒看春風上瓊島。

又春雪。

迴風帶雨。凍澀漏聲悄。小窗照影虛白。幾誤鄰雞報。千樹天桃笛譜
天花綻了。鵲立通明曉。眼空入表。官袍帶月。醉裏應迷灞陵道。風靜瓊林翠沼。片片隨春到。吟轡十里新隄。怪四山青老。玉唾珠塵怕掃。句冷池塘草。白天寒皎。飛瓊何在。夢覺笛譜
覺梨雲度仙島。

聲聲慢 柳花。

燕泥沾粉。魚浪吹香。芳隄十里新晴。靜惹遊絲。花邊裊裊扶春。多情最憐漂泊。記章臺、曾挽笛譜
絳青青。堪愛處。是撲簾嬌軟。隨馬輕盈。長是河橋三月。做一番晴雪。惱亂詩魂。帶雨沾衣。羅襟點點離痕。休綴潘郎鬢影。怕綠窗、年少人驚。捲春去。東風千縷碎雲。

憶舊遊 有懷東園

記花陰暎燭。柳影飛梭。庭戶東風。綵筆爭春豔。任香迷舞袖。醉擁歌叢。畫簾靜掩。芳晝雲翦玉玲瓏。皆譜奈恨絕冰絃。塵侵皆譜翠譜。別鳳離鵠。鶯籠怨春遠。但翠冷閒階。墜粉飄紅。事逐華年換。歎水流花謝。燕去樓空。繡鴛暗老。薇徑殘夢。繞雕甍。悵寶瑟無聲。愁痕沁碧江上峯。一作江上。孤峯非是。

水龍吟 春晚

燕翎誰寄愁箋。皆譜天涯望極。王孫草。新煙換柳。光風浮蕙。餘寒尙峭。倚杖看雲。翦燈聽雨。幾番詩酒。歎長安倦客。江南舊恨。飛花亂。清明後。隄上垂楊風驟。散香綿。輕沾吟袖。麴塵兩岸。紋波十里。暖蒸香透。海闊雲深。水流春遠。夢魂難勾。問鶯邊按譜。花前覓句。解相思否。

又春恨

舞紅輕帶愁飛。寶鸞暗憶章臺路。吟香醉雨。吹簫門巷。飄接院宇。立盡殘陽。眼迷晴樹。夢隨風絮。歎江潭冷落。依依舊恨。人空老。柳如許。錦瑟華年暗度。賦行雲。空題短句。晴窗_{清笛譜}絲繫燕。么絃彈鳳。文君更苦。煙水流紅。暮山凝紫。是春歸處。悵江南望遠。蘋花自采。寄將愁與。

又白蓮

素鸞飛下青冥。舞衣半惹涼雲碎。藍田種玉。綠房迎曉。一奩秋意。擎露盤深。憶君涼_{清補題}夜。暗傾鉛水。想鴛鴦正結。梨雲好夢。西風冷。還驚起。應是飛瓊仙會。倚_{詞絕妙好作遊}涼颿。碧簪斜墜。輕妝闌白。_{補題明日}瑞照影。紅衣羞避。霽月三更。粉雲千點。靜香十里。聽湘弦奏徹。冰綃偷翦。聚相思淚。

天香 龍涎香

碧腦浮冰。紅薇染露。驪宮玉唾誰搗。麝月雙心。鳳雲百和。寶釧補題珮環爭巧。濃薰淺注。凝醉度。千花春曉。金餅著。衣餘潤。銀葉透。簾微裊。素被瓊篝夜悄。酒初醒。翠屏深窈。一縷舊情。空趁斷煙飛繞。羅袖餘馨漸少。悵東閣。淒涼夢難到。誰念韓郎。清愁漸老。

珍珠簾 琉璃簾

寶階斜轉春宵永。雲屏做。霧捲東風新霽。光動萬星寒。曳冷雲垂地。暗省連昌遊冶事。照炫轉。熒煌珠翠。難比。是鮫人織就。冰綃清淚。猶記夢入瑤臺。正玲瓏透月。瓊鉤十二。金縷逗濃香。接翠蓬雲氣。綳夜梨花生暖白。浸嫩豔。一池春水。沈醉。歸時人在。明河影裏。

疎影 梅影

冰條木葉。又橫斜照水。一花初發。素壁秋屏。招得芳魂。彷彿玉口明

滅疎疎滿地珊瑚口。全誤却。撲花幽蝶。甚美人。忽到窗前。鏡裏好春難折。閒想孤山舊事。浸清漪倒暎。千樹殘雪。暗裏東風。可慣無情攪碎一簾香月。輕妝誰寫。崔徽面。認隱約。煙銷重疊。記夢回。紙帳殘燈。瘦倚數枝清絕。

齊天樂 蟬

槐薰_{補題}。忽送清商_{冷補題}。怨。依稀正開_{補題}。還歇。故苑愁深_{長補題}。危弦_{補題}。調苦。前夢蛻痕枯葉。傷情念別。是幾度斜陽。幾回殘月。轉眼西風。一襟幽恨向誰說。輕鬟猶記動影。翠蛾_{補題}。應妬_{怪補題}。我雙鬢如雪。枝冷頻移。葉疎猶抱。辜_{補題}。負好秋時節。淒淒切切。漸拖攏黃昏。砌蛩相接。露洗餘悲。暮煙_{補題}。聲更咽。

滿江紅 寄剡中自醉兄

秋水涓涓。情渺渺。美人何許。還記得。東堂松桂。對牀風雨。流水桃花

西塞隱。茂林脩竹山陰路。二十年。歷歷舊經行。空懷古。評硯品。臨書譜。賤畫史。修茶具。喜一愚天稟。一閒天付。百戰徵求千里馬。十年餽飭三都賦。問何如。石鼎約彌明。同聯句。

玉漏遲

題吳夢窗霜花腴詞集。

老來歡意少。錦鯨仙去。紫簫聲杳。怕展金奩。依舊故人懷抱。猶想烏絲醉墨。驚俊語。香紅圍繞。閒自笑。與君共是。承平年少。雨窗短夢難憑。是幾口官商。幾番吟嘯。淚眼東風。回首四橋煙草。載酒倦遊處。已換却。花間啼鳥。春恨悄。天涯暮雲殘照。

右上卷詞五十八闕。見贛洲漁笛譜者五十闕。樂府補題者三闕。

草窗詞卷下

桃源逢故人閨情

流蘇靜掩羅屏小。春夢苦無分曉。一縷舊情誰表。暗逐餘香裊。相思懶笛譜寄流紅杏。人瘦花枝多少。郎馬未歸春老。空怨王孫草。

南樓令閨怨

絲雨織鶯梭。浮錢點翠荷。燕風輕。庭宇正清和。苔面唾茸堆繡徑。春去也。柰春何。官柳老青蛾。題紅隔翠波。扇鸞孤。塵暗合歡羅。門外綠陰深似海。應未比。舊愁多。

又秋夜

桂影滿空庭。秋宵正五更。笛譜云：秋聲。一聲聲。都是消凝。新鴈舊蛩相應和。禁不過。冷清清。酒與夢皆笛譜醒。病因愁做成。展紅綃。猶有

餘馨。暗想芙蓉城下路。花可可。霧冥冥。

又 秋夜。

欹枕聽西風。蛩階月正中。弄秋聲。金井梧。孤竹譜桐。閒省十年吳下路。船幾度。繫江楓。輦路又迎逢。秋如歸興濃。歎淹留。還見新冬。湖外霜林秋似錦。一片片。認題紅。

又

開了木芙蓉。一年秋已空。送新愁。千里孤鴻。搖落江蘆多少恨。吟不盡。楚雲峯。往事夕陽紅。故人江水東。翠衾寒。幾度霜濃。夢隔屏山飛不去。隨夜鵲。繞疎桐。

又

好夢不分明。楚雲千萬層。帶圍寬。愁損蘭成。玉杵元霜無幾笛譜。咫尺。青羽信。便沈沈。水調夜樓清。清宵誰共聽。砑牋紅。空賦傾城。幾度

欲吟吟不就。可煞是。沒心情。

西江月 春情

波影暖浮玉鬢。柳陰深鎖金鋪。湘桃花褪燕調雛。又是一番春暮。
碧柱情深鳳怨。雲屏夢淺鶯呼。繡窗人倦冷薰爐。簾影搖花亭午。

又 茶蘼閣

花氣半侵雲閣。柳陰近隔春城。畫門明月按瑤箏。醉倚滿身花笛譜芳。
影。翠格素虬晴雪。錦籠紫鳳香雲。東風吹玉滿閒庭。二十四簾春
韻 靚。笛譜

又 懷刺

萬壑千巖剡曲。朝南暮北樵中。應是雄風因下押東風江潭楊柳幾
東風。猶憶當年手種。鬢雪愁侵秋綠。容華酒借春紅。非非是是總
成空。金谷蘭亭同夢。

鷓鴣天 清明

燕子時時度翠簾。柳寒猶未褪香綿。落花門巷家家雨。新火樓臺處處煙。情默默，恨慇懃。東風吹動畫秋千。刺桐開盡鶯聲老。無柰春何祇醉眠。

又 清明

相傍清明晴便慳。閉門空自惜花殘。海棠半拆難禁雨。燕子初歸不柰寒。金鴨冷，錦鴛閒。銀釭空照小屏山。翠羅袖薄東風峭。獨倚西樓第幾間。

夜行船 秋思

蛩老無聲深夜靜。新霜粲，一燈簾影。簾，譜云：一。妬夢鴻高，供供，譜愁月淺，縈亂恨絲難整。縈，譜云：爲。笙譜字嬌娥誰詭。詭，譜云：爲。香襟冷，懶看妝印。繡閣藏春，海棠偷暖，還似去年風景。

又 秋暮。

寒菊欹風棲小蝶。簾櫳靜。半規涼月。夢不分明。恨無憑據。腸斷錦牋盈篋。哀角吹霜寒正怯。倚瑤箏。暗愁難說。寶獸頻添。玉蟲時翦。長記舊家時節。

杏花天 莫愁。

瑞雲盤翠侵官皆譜額。眉柳嫩。不禁愁積。返魂誰染東風筆。寫出郢中春色。人去後。垂楊自碧。歌舞夢。欲尋無迹。愁隨兩漿江南北。日暮石城風急。

又 昭君。

漢宮乍出慵梳掠。關月冷。玉沙飛幕。龍香重指春風弱。皆譜云。龍香撥重春。愁弱。一曲哀弦謾託。君恩厚。空憐命薄。青冢遠。幾番花落。丹青自是難描摸。不是當時畫錯。

又

金池瓊苑曾經醉。是多少。紅情綠意。東風一枕。遊仙睡。換却鶯花人世。漸暮色。鶻聲四起。正愁滿。香溝御水。一色柳煙三十里。爲問春歸那裏。

點絳脣 冬晚

雪霽寒輕。興來載酒移吟艇。玉田千頃。橋外詩情迥。重到孤山往。事和愁醒。東風緊。水邊疎影。誰念梅花冷。

又 訪牟存叟南漪釣隱

午夢初回。捲簾盡放春愁去。晝長無侶。自對黃鸝語。絮影蘋香。春在無人處。移舟去。未成新句。一硯梨花雨。
此闕絕妙。好詞作周晉。

戀繡衾 蝶

粉黃衣薄沾麝塵。作南華春夢乍醒。活計一生花裏。恨曉房香露正

深。芳蹊有恨時時見。趁游絲。高下弄晴。生怕被春歸了。趕飛紅。穿度柳陰。

江城子 閨思

玉肌多病怯殘春。瘦稜稜。睡騰騰。清楚衣裳。不受一塵侵。香冷翠屏春意靜。笛譜明月淡。曉風清。笛譜樓中燕子夢中雲。似多情。似無情。酒醒歌闌。誰爲喚眞眞。盡日瑣窗人不到。鶯意懶。蝶情愁。笛譜深。

又擬賀方回。○案絕妙好詞題云。擬蒲江。

羅窗曉色透花明。詭瑤笙。按瑤箏。幾信絕妙好詞記東風。能有幾分春。二十四闌凭玉暖。楊柳月。海棠陰。依依愁翠沁雙顰。愛鶯聲。怕鶻聲。人自多情。春去自無情。把酒問花花不語。花外夢。夢中雲。

謁金門 春

花不定。燕尾翦開紅影。幾點露香蜂趕趁。日遲簾幙靜。試把翠蛾

輕暈。愁薄寶臺鸞鏡。屈指一春將次盡。歸期猶未穩。

又 吳山觀濤。

天水碧。染就一江秋色。黿戴雪山龍起蟄。快風吹海立。
數點煙鬟青滴。一杼霞綃紅溼。白鳥明邊帆影直。隔江聞夜笛。

又 春晚。

芳事晚。數點杏鈿香淺。惻惻輕寒風翦翦。錦屏春夢遠。
穉柳拖煙嬌軟。花影暗藏深院。初試輕衫并畫扇。牡丹紅未展。

眼兒媚 閨情。

飛絲半溼乍_{楚譜}歸雲。愁裏又聞鶯。淡月秋千。落花庭院。幾度黃昏。

十年一夢揚州路。空有少年心。不分不曉。厭厭默默。一段傷春。

好事近 佳。人。

秋水浸芙蓉。清曉綺窗臨鏡。柳弱不勝愁重。染蘭膏微沁。下階笑。

折紫玫瑰。蜂蝶撲雲鬢。回首見郎羞走。買繡裙微褪。

又 寄遠。

輕翦楚臺雲。玉影半分秋月。一晌淒涼無語。對殘花么蝶。碧天愁
雁不成書。郎意似秋葉。閒展鴛綃殘緒。惜 惜捲淚花雙疊。

浪淘沙 春晚。

芳草碧茸茸。染恨無窮。一春心事雨聲中。窄索官羅寒尙悄。閒倚薰
籠。猶記粉闌東。同醉香叢。金鞍何處驟驄。裊裊綠窗殘夢斷。紅
杏東風。

又

柳色淡如秋。蝶懶鶯羞。十分春事九分休。開盡楝花寒尙在。怕上簾
鉤。京洛少年遊。誰念淹留。東風吹雨過西樓。殘夢宿醒相合就。一
段新愁。

浣溪沙 春憶

不下珠簾怕燕噏。旋移芳檻引流鶯。春光却早又中分。杏火無煙
燃綠暗。梨雲有如笛譜。雪冷清明。冶游天氣冶游心。

又

絲雨籠煙織曉晚笛譜晴。睡餘春酒未全醒。翠鈿輕脫隱香痕。生怕
柳綿縈舞蝶。戲拋梅彈打流啼笛譜鶯。最難消遣是殘春。

又 紫清道院

竹色苔香小院深。蒲團茶鼎掩山扃。長松掃盡吹笛譜世間塵。靜養
金芽文武火。時調玉軫短長清。石牀閒臥看秋雲。

清平樂 閨院

吹梅聲咽。簾捲初弦月。一寸春霏消蕙雪。愁染垂楊帶結。畫橋平
接金沙。軟紅淺隔兒家。燕子未歸門掩。晚妝空對菱花。

又

曉_{笛譜}鶯嬌咽。庭戶溶溶月。一樹湘挑飛茜雪。紅豆相思漸結。看
看芳草平沙。遊驕猶未歸家。自是蕭郎飄泊。_{笛譜}錯教人恨楊花。

又橫玉亭。

詩情畫意。只在闌干外。雨露天低生爽氣。一片吳山越水。官煙醉
柳春晴。海風洗月秋明。喚取九霞飛珮。夜涼跨鶴吹笙。

又夏景。

小橋縈綠。密翠藏吟屋。千頃風煙森萬玉。依約輞川韋曲。臨流照
影何人。悠然倚杖看雲。柳色翠迷山色。泉聲清和蟬聲。

又杜陵春遊。

錦城春曉。苑陌芳菲早。可是杜陵人未老。日日酒迷花惱。歸驕困
倚芳醒。醒來還有新吟。人與杏花俱醉。春風一路聞鶯。

又

圖書一室。春暖垂簾隙。

絕妙好詞云：春暖垂簾隙。

花滿翠壺薰硯席。睡覺半窗晴

日。手寒不了殘棋。簫香細勘唐碑。無酒無詩情緒。欲梅欲雪天時。

案此闕絕妙好詞作周晉。

鳳棲梧 生香亭。

竹窈花深連別墅。曲曲迴廊。小小閒庭宇。忽地香來無覓處。杖藜聞

趁遊蜂去。

老桂凝

笛譜懸

秋森玉樹。澗底孤芳。冉冉吹詩句。一掬幽

情知幾許。鉤簾半畝藤花雨。

少年遊

松風蘭露滴崖陰。瑤草入簾青。玉鳳驚飛。翠蛟時舞。噴薄濺春雲。

冰壺不受人間暑。幽草呀珍禽。花外琴臺。竹邊棋墅。處處

笛譜是字。

有閒

情。

又官詞擬小山。○絕妙好詞云：擬梅溪。

簾綃寶相

絕妙好詞云：簾綃寶相。

捲官羅。蜂蝶撲飛梭。一樣東風。燕梁鶯戶。

絕妙

好詞

那處春多。

曉妝日日隨香輦。多在牡丹坡。花深深處。柳陰陰

處。一片笙歌。

吳山青無心處茅亭。

山青青。水泠泠。養得風煙數畝成。乾坤一草亭。

雲無心。竹無心。我

亦無心似竹雲。歲寒同此盟。

又春晴。

燈輝輝。月輝輝。帳煖香深春漏遲。夢回聞子規。

欲成詩。未成詩。生

怕春歸。春又歸。花飛花未飛。

柳梢青梅。○案：蘋洲漁笛譜有小序。

約略春痕。吹香新句。照影清尊。洗盡時妝。效顰西子。不負東昏。金

沙舊事休論。儘消得東風返魂。一段清真。風前孤驛。雪後前村。

又梅

萬雪千霜。禁持不過。玉雪生香。水部多情。杜郎老去。去惱愁腸。寒野嶼空廊。靜倚竹。無人自香。一笑相逢。江南江北。竹屋山窗。

又梅

暎水穿籬。新霜微月。小蕊疎枝。幾許風流。一聲龍竹。半幅鵝谿。頭悵望多時。欲待折。相思寄伊。真色真香。丹青難寫。今古無詩。

又梅

夜鶻驚飛。香浮翠蘚。玉點冰枝。古意高風。幽入空谷。靜女深幃。心自有天知。任醉舞。花邊帽欹。最愛孤山。雪初晴後。月未殘時。

又楊花

似霧中花。似風前雪。似雨餘雲。本自無情。點萍成綠。却又多情。

天

江

芳

西

湖南陌東城。甚管定。年年送春。薄倖東風。薄情遊子。薄命佳人。案此闕絕妙好詞作周晉。

四字令 訪友不遇。

殘月半籬。殘雪半枝。孤吟自款柴扉。聽猿啼鳥啼。人歸未歸。無詩有詩。水邊佇立多時。問梅花便知。

醉落魄

洪仲魯之江西書以爲別。

寒侵徑葉。雁風擊碎珊瑚屑。硯涼閒試霜晴帖。頌菊騷蘭。秋事正奇絕。故人又作江西別。書樓虛度中秋節。碧闌倚徧愁誰說。愁是新愁。月是舊時月。

祝英臺近

后溪次韻日熙堂主人。

淸餘醒。尋舊雨。愁與病相半。綠意陰陰。絲竹靜深院。絕憐事逐春移。淚隨花落。似翦斷。鮫房珠串。喜重見。爲誰倦酒慵詩。簾屏掩雙扇。

白髮潘郎。羞見看花伴。可堪好夢殘時。新愁生處。煙月冷。子規聲斷。

甘州 燈夕書寄二隱

漸萋萋芳草綠江南。輕暉弄春容。記少年遊處。簫聲巷陌。燈影簾櫳。
月煖烘爐戲鼓。十里步香紅。欹枕聽新雨。往事朦朧。還是江
有南字春夢曉。怕等閒愁見。鴈影西東。喜故人好在。水驛寄詩筒。數芳
程。漸催花信。送歸帆。知第幾番風。空吟想。梅花千樹。人在其中。

又題疎寮園。

信山陰道上景多奇。仙翁幻吟壺。愛一丘一壑。一花一草。窈窕扶疎。
染就春雲五色。更種玉千株。咳唾飄香在。四壁驪珠。曲折冷紅幽
翠。涉流花澗淨。步月堂虛。羨風流魚鳥。來往賀家湖。認秦鬟。越妝窺
鏡。倚斜陽。人在會稽圖。圖多賞。池香洗硯。山秀藏書。

齊天樂 次二隱寄梅。

護春簾幕東風裏。當年問花曾到。玉影孤寒。冰痕半拆。漠漠凍雲迷道。臨流更好。妙一作正雪意逢迎。陰光相照。夢入羅浮。古苔啞嘶翠禽小。一枝空念贈遠。瀾波流不到。心事誰表。倚竹天寒。吟香夜冷。幾度月昏霜曉。尋芳欠早。怕鶴怨山空。雁歸書少。不恨春遲。恨春容易老。

憶舊遊 寄王聖與

記移燈翦雨。換火篝香。去歲今朝。乍見翻疑夢。向梅邊攜手。笑挽吟橈。依依故人情味。歌舞試春嬌。對婉婉年芳。漂零身世。酒趁愁消。天涯未歸客。望錦羽沈沈。翠水迢迢。歎菊荒薇老。負故人猿鶴。舊隱誰難。一作招。疎花謾撩愁思。無句到寒梢。但夢繞西泠。空江冷月。魂斷隨潮。

聲聲慢 送王聖與次韻

瓊壺歌月。白髮簪花。十年一夢揚州。恨入琵琶。小憐重見灣頭。尊前謾題金縷。奈芳情已逐東流。還送遠。甚長安亂葉。都是閒愁。次第重陽近也。看黃花綠酒。也合遲留。脆柳無情。不堪重繫行舟。百年正消幾別。對西風。休賦登樓。怎去得。怕淒涼時節。團扇悲秋。

踏莎行 題中仙詞卷

結客千金。醉春雙玉。舊遊官柳藏仙屋。白頭吟老茂陵西。清平夢遠沈香北。玉笛天津。錦囊昌谷。春紅轉眼成秋綠。重翻花外侍兒歌。休聽酒邊供奉曲。

右下卷五十七闕。見蕢洲漁笛譜者四十一闕。絕妙好詞選六闕。點絳脣午夢初回一闕。清平樂圖書一室一闕。借刻周晉。晉字叔明。卽公謹之父也。

草窗詞補上

夷則商國香慢 賦于固陵波園

玉潤金明。記曲屏小几。翦葉移根。經年犯入重見。瘦影娉婷。雨帶風襟零落。步雲冷、鶉筦吹春。相逢舊京洛。素靨塵淄。仙掌香凝。國香流落恨。正冰鋪翠薄。誰念遺簪。水天空遠。應念鬢弟梅兄。渺渺魚波望極。五十弦。愁滿湘雲。淒涼耿無語。夢入東風。雪盡江清。

一萼紅 登蓬萊閣有感

步深幽。正雲黃天淡。雪意全未休。鑑曲寒沙。茂林煙草。倦仰千古悠悠。歲華晚、漂零漸遠。誰念我、同載五湖舟。磴古松斜。厓陰苔老。一片清愁。回首天涯歸夢。幾魂飛西浦。淚灑東州。故國山川。故園心眼。還似王粲登樓。最負他、秦鬟妝鏡。好江山、何事此時遊。爲喚狂吟老監。共賦銷憂。闕在紹興西浦。東州皆其地。

掃花游 九日懷歸

江蘼怨碧。暝過了霜花。錦空洲渚。孤蛩自語。正長安亂葉。萬家砧杵。塵染秋衣。誰念西風倦旅。恨無據。悵望極歸舟。天際煙樹。心事曾細數。怕水葉沈紅。夢雲離去。情絲恨縷。倩回紋爲織。那時愁句。鴈字無多。寫得相思幾許。暗凝竚。近重陽。滿城風雨。

三姝媚 送聖與還越

淺寒梅未綻。正潮過西陵。短亭逢鴈。秉燭相看。歎俊游零落。滿襟依舊。露草霜花。愁正在。廢宮蕪苑。明月何橋。笛外樽前。舊情消減。莫訴離觴深淺。恨聚散匆匆。夢隨飄遠。玉鏡塵昏。怕賦情人老。後逢淒惋。一樣歸心。又喚起。故園愁眼。立盡斜陽無語。空江歲晚。

獻仙音 弔雪香亭梅

松雪飄寒。嶺雲吹凍。紅破數椒春淺。襯舞臺荒。浣妝池冷。淒涼市朝

輕換。歎花與人凋謝。依依歲華晚。共淒黯。問東風。幾翻吹夢。應慣識。當年翠屏金輦。一片古今愁。但廢綠。平煙空遠。無語銷魂。對斜陽。衰草淚滿。又西冷殘笛。低送數聲春怨。

高陽臺 送陳君衡被召。

照野旌旗。朝天車馬。平沙萬里天低。寶帶金章。樽前茸帽風欹。秦關汴水經行地。想登臨。都付新詩。縱英遊。疊鼓清笳。駿馬名姬。酒酣應對燕山雪。正冰河月凍。曉隴雲飛。投老殘年。江南誰念方回。東風漸綠西湖柳。鴈已還。人未南歸。最關情。折盡梅花。難寄相思。

慶宮春 送趙元父過吳。

重疊雲衣。微茫鵲影。短篷穩載吳雪。霜葉敲寒。風燈搖暈。棹歌人語鳴咽。擁衾呼酒。正百里。冰河乍合。千山換色。一鏡無塵。玉龍吹裂。夜深醉踏長虹。表裏空明。古今清絕。高堂在否。登臨休賦。忍見舊時

明月。翠銷香冷。怕空負。年芳輕別。孤山春早。一樹梅花。待君同折。

高陽臺寄趙中諸友

小雨分江。殘寒迷浦。春容淺入蒹葭。雪霽空城。燕歸何處人家。夢魂欲渡蒼茫去。怕夢輕、還被愁遮。感流年、夜汐東還。冷照西斜。淒淒望極王孫草。認雲中煙樹。鷗外春沙。白髮青山。可憐相對蒼華。歸鴛自趁潮回去。笑倦游、猶是天涯。問東風、先到垂楊。後到梅花。

探芳信西泠春感

步晴晝。向水院維舟。津亭喚酒。歎劉郎重到。依依漫懷舊。東風空結丁香怨。花與人俱瘦。甚淒涼、暗草沿池。冷苔侵甃。橋外晚風驟。正香雪隨波。淺煙迷岫。廢苑塵梁。如今燕來否。翠雲零落空隄冷。往事休回首。最銷魂、一片斜陽戀柳。

傲顰十解

內江城子。擬蒲江一闕。少年游宮詞。擬梅溪一闕。已見集。不錄。

四字令 擬花間

眉消睡黃。春凝淚妝。玉瓶水暖微香。聽蜂兒打窗。簾塵半牀。綃痕半方。愁心欲訴垂楊。奈飛紅正忙。

西江月 廷祥觀拒霜擬稼軒

綠綺紫絲步障。紅鸞綵鳳仙城。誰將三十六陂春。換得兩隄秋錦。眼顚醉迷朱碧。筆花俊賞丹青。斜陽展盡趙昌屏。羞死舞鸞妝鏡。

好事近 擬東澤

新雨洗花塵。撲撲小庭香溼。早是垂楊煙老。漸嫩黃成碧。晚簾都捲看青山。山外更山色。一色梨花新月。伴夜窗吹笛。

西江月 擬花翁

情縷紅絲冉冉。啼花碧袖熒熒。迷香雙蝶下庭心。一行悄悄簾影。北里紅紅短夢。東風鴈鴈前塵。稱銷不過牡丹情。中半傷春酒病。

醉落魄 擬參庵

憶憶憶憶。官羅褶褶銷金色。吹花有盡情無極。淚滴空簾。香潤柳枝
溼。春愁浩蕩湘波窄。紅蘭夢繞江南北。燕鶯都是東風客。移盡庭
陰。風老杏花白。

朝中措 茉莉 擬夢窗

綠繩朱乘駕濤雲。親見許飛瓊。多定梅魂纔返。香瘢半掐秋痕。枕
函釵縷。熏篝芳焙。兒女心情。尙有第三花在。不妨留待涼生。

醉落魄 擬二隱

餘寒正怯。金釵影卸東風揭。舞衣綠損愁千褶。一縷楊絲。猶是去年
折。臨窗擁髻愁誰說。花庭一寸燕支雪。春花似舊心情別。待摘玫
瑰。飛下粉黃蝶。

浣溪沙 擬梅川

蠶已三眠。柳二眠。雙竿初起。畫鞦韆。鶯籠風響十三絃。魚素不傳新信息。鶯膠難續好姻緣。薄情明月幾番圓。

踏莎行

與莫雨山談邗城舊事。

遠草情鍾。孤花韻勝。一樓聳翠生秋暝。十年二十四橋春。轉頭明月簫聲冷。賦藥才高。題瓊語俊。蒸香壓酒芙蓉頂。景留人去怕思量。挂窗風露秋眠醒。

以上十八闕。從絕妙好詞補。

草窗詞補下

減字木蘭慢

西湖十景

蘇隄春曉

恰芳菲夢醒。漾殘月。轉湘簾。正翠崦收鐘。形瑋放仗。臺榭輕煙。東園。
夜遊乍散。聽金壺。逗曉歇花籤。官柳微開露眼。小鶯寂妬。蓉塘詩話
春眠。冰匳。黛淺紅鮮。臨曉鑑。蓉塘詩話競晨妍。怕誤却佳期。宿妝旋
整。忙上雕鞍。都緣。探芳起早。看隄邊早有已開船。薇帳殘香淚蠟。有
人病酒慊慊。

平湖秋月

碧霄澄暮靄。引瓊駕。碾秋光。看翠闕風高。珠樓夜午。誰搗元霜。滄茫。
玉田萬頃。趁仙查。只赤接天潢。髣髴凌波步影。露濃珮冷衣涼。明

瑋。淨洗新妝。隨皓彩。過西廂。正霧衣香潤。雲鬟紺溼。私語相將。鴛鴦。
誤驚夢曉。夢詩話 掠芙蓉。度影入銀塘。十二闌干竚立。鳳簫怨徹。
清商。

斷橋殘雪

覓梅花信息。擁吟袖。暮鞭寒。自放鶴人歸。月香水影。詩冷孤山。等閒。
泮寒暝暖。看融城。御水到人間。瓦隴竹根更好。柳邊小駐游鞍。琅
玕。半倚雲灣。孤棹晚。載詩還。是醉魂醒處。畫橋第二。匿月初三。東欄。
有人步玉。怪冰泥沁溼錦鴛斑。還見晴波漲綠。謝池夢草相關。

雷峯落照

塔輪分斷雨。倒霞影。漾新晴。看滿鑑春紅。輕橈占岸。疊鼓收聲。簾旌。
半鉤待燕。料香濃。徑遠遺蜂程。芳陌人扶醉玉。路傍懶拾遺簪。郊
垌。未厭游情。雲暮合。漫銷凝。想罷歌停舞。煙花露柳。都付棲鶯。重闌。

已催鳳鑰。正鉤車。繡勒入爭門。銀燭擎花夜暖。禁街淡月黃昏。

麴院風荷

軟塵飛不到。過微雨。錦機張。正蔭綠池幽。交枝徑窄。臨水追涼。官妝。蓋羅障暑。泛青蘋。亂舞五雲裳。迷眼紅綃絳綵。翠深偷見鴛鴦。湖光。兩岸瀟湘。風薦爽。扇搖香。算惱人偏是。縈絲露藕。連理秋房。涉江。采芳舊恨。怕紅衣。夜冷落橫塘。折得荷花忘却。棹歌唱入斜陽。

花港觀魚

六橋春浪暖。漲桃雨。鰕初肥。正短棹輕蓑。牽筇荇帶。縈網蒹絲。依稀。岸紅遡遠。漾_{菱塘詩話作泛}仙舟。誤入武陵溪。何處金刀膾玉。畫船傍柳頻催。芳隄。漸滿斜暉。舟葉亂。浪花飛。聽暮榔聲合。鷗沈暗渚。鷺起煙磯。忘機。_{菱塘詩話作健澗}夜深浪靜。任煙寒。自載月明歸。三十六鱗過却。素牋不寄相思。

南屏晚鐘

疎鐘敲暝色。正遠樹綠情。看渡水僧歸。投林鳥聚。煙冷秋屏。孤雲漸沈。鴈影尙殘。簫倦鼓別遊人。官柳棲鴉未穩。露稍已掛疎星。重城禁鼓催更。羅袖怯暮寒輕。想綺疏空掩。鸞綃翳錦。魚鑰收銀。蘭燈伴人夜語。怕香銷漏永。著溫存。猶憶回廊待月。畫闌倚徧桐陰。

柳浪聞鶯

晴空搖翠浪。晝禽靜。霧煙收。聽暗柳啼鶯。新簧弄巧。如度秦謳。誰紉翠絲萬縷。颺金梭。宛轉織芳愁。風裊餘音甚處。絮花三月官溝。扁舟纔繫輕柔。沙路遠。倦追遊。望斷橋斜。秦塘詩話作殘日。蠻腰競舞。蘇小牆頭。偏憂杜鵑喚去。鎮綿蠻。竟日挽春留。啼覺瓊疏午夢。翠丸驚度西樓。

三潭印月

遊船人散後。正蟾影。印蓉塘詩
結作篇寒湫。看冷心。鮫眠。清宜兔浴。皓彩輕
浮。扁舟。泛天鏡裏。遡流光。澄碧浸明眸。栖鷺空驚碧草。素鱗遠避金
鉤。臨流。萬象涵秋。懷渺渺。水悠悠。念漢皋遺珮。湘波步襪。空想仙
游。風收。翠匿乍啓。度飛星。倒影入芳洲。瑤瑟誰彈古怨。渚宮夜舞潛
虬。

兩峯插雲

碧尖相對處。向煙外。挹搖岑。記舞鷺啼猿。天香桂子。曾去幽尋。輕陰。
易晴易雨。看南峯。淡日北峯雲。雙塔秋擎露冷。亂鐘曉送霜清。登
臨。望眼增明。沙路白。海門青。正地幽天迥。水鳴山籟。風奏松琴。虛檻。
半空聚遠。倚闌干。暮色與雲平。明月千巖夜午。遡風跨鶴吹笙。

浪淘沙

新雨洗晴空。碧淺眉峯。翠樓西畔畫橋東。柳線嫩黃纔半染。眼眼東

風，繡戶掩芙蓉。帳減香筒。遠煙輕靄弄春容。鴈鴈未歸鶯未到。誰寄愁紅。

浣溪沙

幾點紅香入玉壺。幾枝紅影上金鋪。晝長人困鬪桴鼓。花徑日遲蜂課蜜。杏梁風軟燕調雛。茶蘼開了有春無。

又

波影搖花碎錦鋪。竹風清泛玉扶疎。畫屏紋枕小紗廚。合色麝囊分翠繡。夾羅螢扇縷金書。十分涼意淡妝梳。

又

淺色初裁試暖衣。畫簾斜日看花飛。柳搖蛾綠妬春眉。象局懶拈雙陸子。寶弦愁按十三徽。試憑新燕問歸期。

東風第一枝早春

草夢初回。柳眠未起。新陰纔試花訊。雛鴛迎曉。偎香小蝶。舞晴弄影。飛梭庭院。早已覺。日遲人靜。畫簾輕。不隔春寒。旋減酒紅香暈。吟欲就。遠煙催暝。人欲醉。晚風吹醒。瘦肌羞怯。金寬笑。壓暖融融粉心。珠歌緩引。更巧試。杏妝梅鬢。怕等閒。虛度芳期。老却翠嬌紅嫩。

菩薩蠻

霜風漸入龍香被。夜寒微澀官壺水。滴滴是愁聲。聲聲滴到明。夢魂隨鴈去。飛到顰眉處。鴈已過西樓。又還和夢愁。

憶舊遊

落梅

念芳釵委路。粉浪翻空。誰補春痕。竚立傷心事。記宮簷點鬢。候館霏襟。東君護香情薄。不筦徑雲深。歎金谷樓危。避風臺淺。消瘦飛瓊。梨雲已成夢。謾蝶恨淒涼。人怨黃昏。撚殘枝重嗅。似徐娘雖老。猶有風情。不禁許多芳思。青子漸成陰。怕酒醒歌闌。空庭夜月。羌筦清。

倚風嬌近

填寶翁譜賦大花

雲葉千重。麝塵輕染金縷。弄嬌風軟。霞綃舞。花國選傾城。暖玉倚銀屏。綽約娉婷。淺素官黃爭嫵。生怕春知。金屋藏嬌深處。蜂蝶尋芳無據。醉眼迷花。暎紅霧。修花譜。翠毫夜溼。天香露。

英臺近

燭搖花。香鼻穗。獨自柰春冷。過了收燈。纔始作花信。無端雨外餘醒。鶯邊殘夢。又還動。惜芳心性。忍重省。幾多綠意紅情。吟牋倩誰整。香減春衫。老卻舊荀令。小樓深閉東風。曲屏斜倚。知他是爲誰成病。

風入松

立春日卽席次寄開韻

柳梢煙軟已瓊瓏。嬌眼試東風。情絲又逐青絲亂。剩寒輕。猶戀芳隴。筍玉新裁。早燕杏鈿時引晴蜂。當時蘭柱繫花驄。人在小樓東。鶯嬌戲索迎春句。愛露牋。新染香紅。未信閒情便懶。探花拚醉瓊鍾。

朝中措 東山茶壑

桐陰蔽影小闌干。晝永瑣窗閒。當日清談賭墅，風流猶記東山。犀
奩象局，驚回槐夢，飛雹生寒。自有仙機活著，未應袖手旁觀。

清平樂 三白圖

靜香眞色。花與人爭白。屬玉雙飛煙月夕。點破一奩秋碧。翠羅袖
薄天寒。笛聲何處關山。手撚一枝春色。東風怨入江南。

以上三十二闕。從蘋洲漁笛譜補。

題草窗詞卷後

踏莎行

吾竹毛翊元白

顧曲多情。尋芳未老。一庭風月知音少。夢隨蝶去恨牆高。醉聽鶯語
嫌籠小。紅燭呼盧。黃金買笑。彈絲貼躑躅長安道。綵牋拈起錦囊花。
綠窗留得羅裙草。

又

中仙王沂孫

白石飛仙。紫霞淒調。斷歌重恨知音少。沈沈幽夢小池荒。依依芳意
閒庭悄。絕妙好詞云。斯歌人聽知音少。幾番幽夢欲回時。舊家池館生春草。風月交遊。山川懷抱。憑
誰說與春知道。空留遺恨滿江南。想思一夜蘂花老。

清平樂

遜翁李萊老

日寒風細。庭館浮花氣。白髮潘郎吟欲醉。綠暗蘼蕪十里。西園南
浦東城。一春多少閒情。日暮采蘋歌遠。夢中喚得愁醒。

浣溪沙

漫翁李彭老隱商

玉雪庭心夜色空。移春小檻闌春紅。輕衫短帽醉歌鐘。
綵扇舊題煙雨外。玉簫新譜燕鶯中。闌干到處是春風。

中華民國二十七年七月初版

國學基
本叢書
窗詞一冊
(843.5.2)

每冊實價國幣貳角
外埠酌加運費匯費

著者 周 密

發行人 王 雲 五
長沙南正路

印刷所 商務印書館
長沙南正路

發行所 商務印書館
各埠

(本書校對者杜遲存)

合

F 四六〇七上

12

7230

11



848
818